

Lefel 3 Troseddeg: Manyleb Newydd

(i'w haddysgu o fis Medi 2015)

Cwestiynau Cyffredin (diweddariad Mehefin 2020)

GWYBODAETH GYFFREDINOL

A oes pwyntiau UCAS am y cymhwyster Troseddeg hwn?

Mae'n bleser gennym gyhoeddi bod ein cymhwyster Lefel 3 Diploma a Thystysgrif (Gradd A*-E) Troseddeg wedi'i gymeradwyo gan Ofqual a Llywodraeth Cymru. Mae pwyntiau UCAS am y cymhwyster hwn ac mae'n ymddangos ar Gyfrifiannell Tariff UCAS. Mae'r graddau a drawsnewidir yn bwyntiau UCAS wedi'u rhestru isod er hwylustod i chi

Gradd	Diploma	Tystysgrif
A*	56	
A	48	24
B	40	20
C	32	16
D	24	12
E	16	8

Troseddeg yw'r unig Gymhwyster Cyffredinol Cymhwysol sydd wedi'i gymeradwyo yn y categori hwn a bydd yn cael ei gynnwys ar y Tablau Perfformiad yn 2020, 2021 a 2022.

Pa brifysgolion sy'n derbyn CBAC Eduqas Lefel 3 Troseddeg Gymhwysol?

Mae llawer o brifysgolion yn derbyn y cymhwyster hwn. Fodd bynnag, mae'r gofynion mynediad yn amrywio'n sylweddol ar draws sefydliadau. Dylai myfyrwyr bob amser wirio â'u prifysgol o ddewis i gadarnhau eu gofynion mynediad unigol ar gyfer y cyrsiau israddedig a ddewiswyd ganddynt.

Ble gallaf ddod o hyd i'r fanyleb?

Gellir dod o hyd i'r manylebau diweddaraf ar wefannau CBAC (cbac.co.uk) ac Eduqas (eduqas.co.uk) drwy ddewis 'Troseddeg' o'r gwympen ar y dudalen gartref.

A oes trefn/strwythur a gaiff ei argymhell wrth addysgu'r fanyleb ddiwygiedig?

Rydym yn argymhell ymdrin â'r unedau mewn trefn gronolegol. Mae elfennau synoptig yn Unedau 2 a 4, y gallai'r ymgeiswyr golli allan arnyn nhw os nad ydyn nhw eisoes wedi ymdrin ag Unedau 1 a 3. Er y caniateir i ganolfannau gyflwyno'r cymhwyster hwn yn y ffordd sy'n gweddu orau iddyn nhw, dylid nodi bod yn rhaid cwblhau Unedau 1 a 2 yn llwyddiannus er mwyn derbyn Tystysgrif. Bydd cwblhau Unedau ychwanegol 3 a 4 yn llwyddiannus yn caniatáu i'r Diploma gael ei ddyfarnu. Nid oes achrediad ar gael ar gyfer cwblhau Unedau 1 a

3 yn unig neu Unedau 2 a 4 yn unig. **O 2020 ymlaen rhaid i ymgeiswyr lwyddo ym mhob Uned berthnasol i ennill gradd.**

Os yw rhywbeth yn cael ei restru fel enghraifft yn y meini prawf asesu, a yw hi'n bwysig addysgu'r enghraifft hon yn ystod yr uned?

Mae'r fanyleb wedi'i chynllunio i alluogi athrawon i addysgu yn ôl eu cryfderau, er enghraifft: Os ydych chi'n teimlo'n gyfforddus yn addysgu Bandura fel damcaniaeth unigolyddol o droseddoldeb (a enwir yn y fanyleb fel rhan o Uned 2, MPA2.2) yna gallwch addysgu'r ddamcaniaeth hon. Fodd bynnag, os nad ydych yn gyfarwydd iawn â'i waith ac os ydych am addysgu damcaniaeth Bowlby yn lle hynny – mae hyn yn dderbyniol hefyd.

UNEDAU A ASEIR YN FEWNOL (UNED 1 AC UNED 3)

Beth yw asesiad dan reolaeth a sut mae'n wahanol i arholiad?

Cynhelir asesiadau mewnol o gymwysterau galwedigaethol CBAC ar ffurf asesiad dan reolaeth. Caiff tasgau asesiad dan reolaeth eu gweinyddu a'u hasesu'n fewnol a chyflwynir sampl i CBAC Eduqas i'w gymedroli. Bwriad asesiad dan reolaeth yw:

- sicrhau bod pob ymgeisydd yn treulio tua'r un faint o amser ar eu haseiniadau, ac eithrio'r rhai sydd â threfniadau mynediad sy'n caniatáu amser ychwanegol
- atal trydydd parti rhag rhoi lefelau amhriodol o arweiniad a mewnbwn
- lleihau pryderon ynglŷn â llên-ladrata a gwella pa mor ddibynadwy a dilys yw canlyniadau
- caniatáu lefel resymol o ryddid a rheolaeth i ganolfannau
- caniatáu i ymgeiswyr greu darn o waith gwreiddiol.

Atgoffwn y canolfannau fod yn rhaid cynnal tasgau asesiad dan reolaeth CBAC L3 Cymhwysol dan lefelau uchel o reolaeth (oni nodir yn wahanol ym mriaff aseiniad y dysgwyr) ac o dan oruchwyliaeth ffurfiol gan staff neu bersonél allanol. Cyfeiriwch at y ddogfen [Canllaw CBAC ar Asesiadau dan Reolaeth](#) ar y wefan. Byddwch yn ymwybodol bod mynediad i'r rhyngrwyd yn ofniad ar gyfer tasgau penodol o fewn Uned 1 Troseddeg yn unig. **Ni ddylid caniatáu mynediad i'r rhyngrwyd ar gyfer unrhyw dasg asesiad dan reolaeth arall.**

Ble gallaf ddod o hyd i friffiau'r aseiniad?

Gellir dod o hyd i friffiau'r aseiniad ar y wefan ddiogel (gweler y cyfarwyddiadau yn y llyfryn hwn). Mae tri briff aseiniad ar gael ar gyfer pob uned sydd i'w hasesu'n fewnol (i'w haddysgu o fis Medi 2020 ymlaen) a gall y ganolfan ddewis pa friff sydd fwyaf addas ar gyfer eu dysgwyr. Ni ddylid rhannu'r briff na'r tasgau gyda dysgwyr cyn yr asesiad dan reolaeth. **Rhaid** i bob ymgeisydd sy'n cymryd y cymhwyster Uned 1 (gan gynnwys y rhai sy'n ailsefyll) ddefnyddio'r briffiau a'r tasgau newydd yn 2021. Ni ddylid defnyddio fersiynau blaenorol ac ni fyddan nhw'n cael eu derbyn.

Sut ydyn ni'n strwythuro oriau'r asesiad dan reolaeth?

Mae'r tasgau asesiad dan reolaeth ar gyfer Troseddeg wedi'u cynllunio fel **asesiadau crynodynol** ac mae'n rhaid eu cymryd ar ôl i'r addysgu ar gyfer yr uned honno ddod i ben. Gellir

strwythuro'r oriau gofynnol yn y ffordd sy'n gweddu orau i'r ganolfan a'r garfan. Er enghraifft, rhaid cwblhau asesiad dan reolaeth Uned 1 mewn 8 awr. Cyn belled â bod y gwaith a'r nodiadau a baratowyd gan yr ymgeiswyr wedi'u storio'n ddiogel ar ddiwedd pob sesiwn (heb fynediad ar gael i ymgeiswyr), gall y ganolfan drefnu'r oriau hyn fel y mynna.

Pa ddeunyddiau y gall ymgeiswyr eu cymryd i mewn i'r asesiad dan reolaeth?

Mae **tudalen grynodeb** pob briff aseiniad y dysgwr yn rhoi manylion yr union ofynion ar gyfer cwblhau asesiadau dan reolaeth ac mae'n rhaid i ganolfannau llynu at y cyfarwyddyd hwn. Nodir y gall ymgeiswyr fynd â'u **nodiadau dosbarth** i amgylchedd yr asesiad dan reolaeth i'w cynorthwyo. Caiff nodiadau dosbarth eu diffinio fel y rhai a gyflenwir gan yr athro (ar ffurf nodiadau neu PowerPoint) yn ogystal â nodiadau a gwaith personol yr ymgeisydd o'i astudiaethau a'i wersi, os yw'n dewis eu cynnwys. Cynghorir athrawon i gynllunio deunyddiau addysgu i ganiatáu i ymgeiswyr gwblhau eu **hymchwil eu hunain** lle bo'n bosibl fel eu bod yn cynhyrchu eu nodiadau eu hunain o'r cychwyn cyntaf. Ni ddylent fod yn ddibynnol ar ddeunydd ac astudiaethau achos sy'n cael eu rhoi iddyn nhw, na rhai sydd wedi'u hatgynhyrchu o'r gwerslyfr. Gall hyn arwain at faterion o lèn-ladrata a gall arwain at addasiadau marcio. **Ni chaniateir** i ymgeiswyr gael mynediad at y gwerslyfr CBAC Troseddeg nac at unrhyw werslyfr arall yn ystod yr asesiad dan reolaeth ond gallan nhw fynd â **nodiadau cryno** gyda nhw yn seiliedig ar rannau o'r cynnwys, os ydynt yn dymuno gwneud hynny.

Fel y nodwyd ar dudalen 11 y fanyleb, '*gall yr aseswr benderfynu pa adnoddau y dylid eu rhoi i ddysgwyr er mwyn sicrhau y cynhelir asesiad teg a dilys*' ac felly, dylai canolfannau a goruchwylwyr sicrhau nad yw ymgeiswyr yn cael mynediad at ddyfeisiau storio na thasgau asesu wedi'u cwblhau sy'n cynnwys adborth manwl gan athrawon. Dylai'r holl waith a gyflwynir i gael ei asesu fod yn **wreiddiol** a rhaid iddo fod wedi'i gynhyrchu dan amodau asesu dan reolaeth. Dylid cyfeirnodu gwaith nad yw'n wreiddiol, lle bo'n berthnasol, a dylai ymgeiswyr fod yn gwbl ymwybodol na ddylent lèn-ladrata o ddeunydd arall. **O ganlyniad, yn ystod yr asesiad dan reolaeth ar gyfer Uned 1, ni ddylai ymgeiswyr gael mynediad i ddeunyddiau ymgyrch gafodd eu cynllunio yn flaenorol (gan yr ymgeisydd na neb arall) wrth ymdrin â DD3. Dylai canolfannau sicrhau nad yw nodiadau eu hymgeiswyr yn cynnwys deunydd y gellid eu copïo yn ystod yr asesiad.**

Yn ogystal â gwaith ymgeiswyr, a oes angen i ni gadw nodiadau'n ddiogel rhwng sesiynau asesu dan reolaeth?

Er mwyn eu gwirio, dylai canolfannau gasglu nodiadau cyflawn dysgwyr cyn yr asesiad dan reolaeth. Yna, dylai'r ganolfan storio'r nodiadau yn ddiogel rhwng sesiynau. Unwaith y bydd myfyrwyr yn ymwybodol o dasg/y tasgau, ni ddylid caniatáu mwy o amser iddyn nhw baratoi nac addasu eu nodiadau. Mae storio diogel yn lleihau'r angen i oruchwylwyr wneud y dasg lafurus o ail-wirio nodiadau.

Pa adborth y gallwn ei roi i ymgeiswyr yn ystod yr asesiad dan reolaeth?

Ni ddylai'r aseswr roi adborth ar ôl i'r asesiad dan reolaeth gychwyn. Ni chaniateir unrhyw gymorth i ymgeiswyr yn ystod y dasg (ni waeth faint o sesiynau sydd yno) a byddai unrhyw gymorth a roddir e.e. drafftiau marcio, yn gyfystyr â chamymddwyn.

Pa gyngor allwn ni ei roi i ymgeiswyr?

Dylai canolfannau sicrhau bod myfyrwyr yn gwbl ymwybodol o'r meini prawf asesu ar gyfer pob uned. Gall canolfannau hefyd gynghori ymgeiswyr ar strwythur addas ar gyfer eu haseiniad gorffenedig ond nid ydyn nhw'n cael darparu atebion enghreifftiol sy'n benodol i'r tasgau y byddan nhw'n eu cymryd.

Rhaid dweud yn glir wrth fyfyrwyr y bydd dyfynnu'n uniongyrchol o ddeunyddiau cyhoeddedig yn cael ei drin fel llên-ladrad. Caniateir mynediad i ymgeiswyr at grynodedau o achosion, nodiadau ar y meini prawf asesu ac ati, ond dylai ymgeiswyr roi eu syniadau **yn eu geiriau eu hunain**. Bydd rhoi digon o rybudd ac amser i baratoi i ymgeiswyr fel arfer yn lleihau'r achosion o ymddwyn yn amhriodol gan ymgeiswyr.

A oes hawl gan ymgeiswyr i gael mynediad i'r rhyngrwyd ar gyfer pob tasg yn yr asesiadau mewnol?

Mae'r **dudalen grynoded** ar gyfer pob aseiniad dan reolaeth yn rhoi'r manylion ynghylch rheolaethau ar gyfer mynediad i'r rhyngrwyd. Dylai canolfannau ymgynghori â'u hadrannau TG am gymorth o ran cadw at y rheolaethau a nodir. Gallai hyn gynnwys gosod ardal storio diogel er mwyn i ymgeiswyr gadw eu gwaith ar ddiwedd pob sesiwn a galluogi/analluogi mynediad i'r rhyngrwyd yn unol â rheolaethau Uned 1. Nid yw Uned 3 yn caniatáu mynediad i'r rhyngrwyd. Bydd tystiolaeth o fynediad i'r rhyngrwyd mewn gwaith ymgeisydd yn cael ei thrin fel camymddwyn.

A ddylai ymgeiswyr gyfeirio at briff yr aseiniad wrth drafod pob maen prawf asesu?

Rhaid i ymgeiswyr gyfeirio at y briff pan gaiff ei nodi'n glir yn rhan o'r dasg h.y. Tasg 6 Uned 1 a Thasgau 8 a 9 yn Uned 3. Mae cyfeirio at y briff yn ofynnol yn y cynllun marcio a **bydd methu â chyfeirio at y briff yn yr achosion hyn yn cyfyngu ar farciau**. O ganlyniad, dylai ymgeiswyr gyfeirio at y briff lle y bo'n berthnasol a dylent ddefnyddio enghreifftiau eraill y maent wedi'u hastudio i gefnogi eu gwybodaeth a'u dealltwriaeth. Dylai ymgeiswyr nodi lle bo enghreifftiau yn ofynnol yn ôl meini prawf asesu penodol.

A yw'n dderbyniol rhannu briffiau aseiniad gydag ymgeiswyr cyn yr asesiad dan reolaeth?

Na. O fis Medi 2020, dylai canolfannau sicrhau bod myfyrwyr yn gwbl ymwybodol o'r meini prawf asesu ond **ni chaniateir rhannu'r briffiau na'r tasgau ag ymgeiswyr tan y bydd yr asesiad dan reolaeth wedi cychwyn**. Bydd ymgeiswyr yn cael eu profi ar eu gallu i gymhwyso gwybodaeth a dealltwriaeth a enillwyd drwy astudio'r fanyleb at y senario a gyflwynir yn y briff a ddewiswyd.

A yw'n dderbyniol addysgu Uned 1 DD3 gan ddefnyddio'r troseddau sy'n amlwg ym mriff yr aseiniad?

Ydy, dylech ymdrin â'r amrywiaeth gyfan o droseddau a restrir yn y fanyleb, ond ni ddylai ymgeiswyr fod yn ymwybodol o gynnwys y briff cyn i'r asesiad dan reolaeth ddigwydd. Dylid addysgu egwyddorion cynllunio ymgyrch mewn cyd-destunau amrywiol iddynt fel y gallan nhw gymhwyso'r sgiliau hynny at gyd-destun nas gwelwyd o'r blaen yn amgylchedd yr asesiad dan reolaeth. Ni ddylent fod yn cymryd enghreifftiau o ddeunyddiau ymgyrchu a gynlluniwyd ganddyn nhw eu hunain neu bobl eraill i amgylchedd yr asesiad dan reolaeth.

A yw'n ofynnol i aseswyr ysgrifennu sylwadau a chyfiawnhau marciau wrth farcio asesiadau mewnol?

Ydy, gofynnwn fod athrawon yn ysgrifennu sylwadau a phwyntiau cyfiawnhau cryno yng nghorff gwaith yr ymgeisydd i'w wneud yn haws i'n cymedrolwyr ddeall ymhle y dyfarnwyd marciau i'r ymgeiswyr, ac i weld ymhle yr aethpwyd i'r afael â'r meini prawf asesu. Sicrhewch fod lleoliad pob maen prawf asesu wedi'i nodi drwy anodiadau cryno. Dylid ychwanegu sylwadau cyfiawnhau byr at bob adran berthnasol o'r daflen farciau (mae taflenni marciau wedi'u cynnwys gyda phob briff aseiniad ac mae fersiynau Word ar gael ar ein gwefan).

Pryd ddylwn i gyflwyno marciau a gwaith i CBAC?

Ar ôl i'r gwaith gael ei farcio, rhaid mewnbynnu'r marciau ar y System Mewnbynnu Marciau Asesiad Mewnol (IAMIS) drwy Wefan Ddiogel CBAC. Dylid cyflwyno pob marc i CBAC erbyn **8 Mai** bob blwyddyn. Ar ôl cyflwyno'r marciau, darperir manylion y cymedrolwr, yn ogystal â manylion gwaith yr ymgeisydd i'w ddarparu. Dylai canolfannau ddarparu'r gwaith sampl y gofynnir amdano ac ni ddylent ddarparu gwaith gan ymgeiswyr gwahanol yn lle'r gwaith y gofynnwyd amdano. Dylai canolfannau sydd mewn consortia ddilyn canllawiau CBAC ar ddewis samplau. Mae'n rhaid argraffu copïau caled o waith sampl ac mae'n rhaid iddo gyrraedd y cymedrolwr erbyn **15 Mai** bob blwyddyn. **Nid yw CBAC yn derbyn cyflwyniadau electronig** ac ni ddylid anfon gwaith asesu dan reolaeth at gymedrolwyr ar ddyfeisiau electronig. Bydd gwaith a gyflwynir yn y modd hwn yn cael ei ddychwelyd.

Yna bydd y tîm cymedroli yn cymedroli'r gwaith. Byddwch yn ymwybodol y gallai CBAC Eduqas gysylltu â'r ganolfan ar unrhyw adeg ar ôl 15 Mai i ofyn am ragor o samplau o waith ymgeiswyr. Dylai'r gwaith ychwanegol gael ei ddanfon heb oedi.

Pa waith papur sydd ei angen?

Dylid cyflwyno Taflen Gofnodi Marciau'r Ymgeisydd wedi'i llofnodi ynghyd â phob darn o waith ymgeisydd yn y sampl. **Rhaid** i'r ymgeisydd a'r aseswr lofnodi'r daflen hon, yn ogystal â'r Aseswr Arweiniol (lle bo'n berthnasol). Dylai pob canolfan hefyd gynnwys copi o'r Ffurflen Sicrhau Ansawdd (sydd ar gael ar y wefan agored) er mwyn dogfennu'r weithdrefn safoni mewnol (lle bo'n berthnasol) ac un copi o'r Briff Aseiniad y Dysgwr a ddewiswyd.

Pa adborth fyddwn ni'n ei gael ar ôl i'r cymedrolwr dderbyn y gwaith?

Bydd adroddiad cynhwysfawr a ysgrifennir gan y cymedrolwr ar gael i bob canolfan. Bydd hwn ar gael drwy'r system mewnbynnu marciau asesiad mewnol ar ddiwrnod y canlyniadau.

Bydd adroddiadau yn rhoi sylwadau ar natur y gwaith gweinyddol a chywirdeb y marcio. Darllenwch yr adroddiadau hyn yn ofalus. Ar ddiwrnod canlyniadau, bydd Adroddiad y Prif Arholwr a Safonwr yn cael ei gyhoeddi ar y wefan gyhoeddus. Fe ddylai pob canolfan ddarllen ac ystyried yr adborth hwn yn ofalus.

A all ymgeiswyr ailsefyll asesiad mewnol?

Os yw'r gwaith eisoes wedi'i gyflwyno i CBAC i'w gymedroli, ni fydd yr ymgeisydd yn cael gradd tan fis Awst ar ddiwrnod y canlyniadau Safon Uwch, felly os yw'n dymuno ailsefyll, byddai'n rhaid gwneud hynny yn y flwyddyn academaidd ganlynol gyda briff amgen/newydd.

Byddwch yn ymwybodol fod ailsefyll yn wahanol iawn i roi **cynnig newydd** ar yr asesiad am yr ail dro o fewn yr un flwyddyn academaidd (gweler y cwestiwn nesaf). Dim ond ymgeiswyr sydd wedi cyflwyno marciau yn flaenorol i CBAC all ailsefyll unedau.

A oes hawl gan ymgeiswyr i roi cynnig newydd ar asesiad mewnol o fewn yr un flwyddyn academaidd?

O 2020 ymlaen, bydd yn rhaid i ymgeiswyr lwyddo ym mhob uned i ennill gradd ar gyfer y Dystysgrif a'r Diploma. Gall ymgeiswyr roi cynnig newydd ar yr asesiad dan reolaeth mewn unrhyw flwyddyn academaidd, ond rhaid iddynt ddefnyddio **briff amgen**. Lle mae ymgeisydd yn rhoi cynnig ar yr asesiad dan reolaeth am yr ail dro yn yr un flwyddyn academaidd, rhaid i'r ganolfan dynnu sylw at yr ymgeiswyr hynny drwy gyflwyno'r **DDAU** gynig os ydyn nhw'n rhan o'r sampl y gofynnir amdano i'w gymedroli. Ni ddylai ymgeiswyr sy'n rhoi cynnig ar y dasg am yr ail dro gael mynediad i'w hymgais gyntaf yn y cyfnod interim gan y byddai hyn yn gyfystyr ag adborth. Dylai canolfannau amserlenu'r tasgau asesiad dan reolaeth yn unol â hynny os ydyn nhw am roi cyfle i ymgeiswyr roi cynnig ar y dasg am yr eildro.

UNEDAU A ASEIR YN ALLANOL (Uned 2 ac Uned 4)

Os yw rhywbeth wedi'i restru fel enghraifft (e.e.) yn y meini prawf asesu, a yw hi'n bosibl defnyddio'r enghraifft hon i ffurfio cwestiwn arholiad?

Na, ni all y cwestiwn ei hun ganolbwyntio ar enghraifft a restrir. Fodd bynnag, gallai'r ymgeisydd ddefnyddio'r enghreifftiau a restrir yn ei ateb. Bydd cynlluniau marcio yn ei gwneud yn glir ei bod yn dderbyniol defnyddio enghreifftiau perthnasol eraill ar wahân i'r rhai a restrir yn y fanyleb.

A oes unrhyw ddeunyddiau asesu enghreifftiol (SAMs) ar gael?

Oes, mae'r deunyddiau asesu enghreifftiol a'r cyn bapurau (o 2016) i'w gweld ar dudalen pwnc gwefannau CBAC ac Eduqas neu drwy'r wefan ddiogel (gweler y cyfarwyddiadau ar ddiwedd y llyfryn hwn). Ceir cynlluniau marcio enghreifftiol ar gyfer pob uned a gaiff ei harholi hefyd.

Ble gallwn ni ddod o hyd i ffiniau graddau o gyfresi arholiadau blaenorol?

Yn yr un modd â'r unedau a asesir yn fewnol, nid yw'r ffiniau graddau ar gyfer yr unedau sy'n cael eu harholi yn sefydlog a gallant amrywio bob blwyddyn. Gallwch ddod o hyd i'r ffiniau a ddyfarnwyd ar gyfer pob uned o bob sesiwn ar wefan CBAC [yma](#). Dewiswch y flwyddyn, sesiwn, pwnc ac opsiwn berthnasol ar y gwymplen.

ADNODDAU A HYFFORDDIANT

Ble gallaf ddod o hyd i'r adnoddau addysgu a dysgu i gefnogi'r cymhwyster hwn?

Mae adnoddau a deunyddiau enghreifftiol ar gael ar [wefan ddiogel CBAC](#), gan gynnwys deunyddiau DPP o ddigwyddiadau blaenorol. Yno hefyd mae detholiad o waith asesu dan reolaeth wedi'i farcio. Defnyddiwch yr enghreifftiau hyn at bwrpasau hyfforddiant a safoni yn eich adrannau ond ni ddylech, o dan unrhyw amgylchiadau, eu rhannu ag ymgeiswyr nac athrawon eraill drwy safleoedd cyfryngau cymdeithasol. Rhaid cadw'r rhain yn gyfrinachol.

Gellir hefyd gweld dogfennau defnyddiol ar dudalennau cartref Lefel 3 Troseddeg ar wefannau CBAC ac Eduqas. Mae'r rhain yn cynnwys:

[Manyleb](#)


[Deunyddiau Asesu Enghreifftiol](#) ar gyfer arholiad uned 2.

[Deunyddiau Asesu Enghreifftiol](#) ar gyfer arholiad uned 4.

[Canllawiau i Athrawon](#)

A oes gwerslyfr ar gael i gefnogi'r cymhwyster hwn?

Mae gwerslyfr, a gymeradwywyd gan CBAC, sy'n cynnwys pob uned y Diploma a'r Dystysgrif Cymhwysol. Byddwch yn ymwybodol o'r mân ddiwygiadau a wnaed i'r meini prawf marcio ar gyfer Uned 1 MPA 1.1, 1.2 a MPA 3.1 ers cyhoeddi'r llyfr hwn. Dylech gyfeirio bb amser at y fanyleb ddiweddaraf ar-lein a'r briffiau a'r cynlluniau marcio mwyaf diweddar. Cyhoeddwyd Canllaw Adolygu i gefnogi'r gwerslyfr hwn ym mis Chwefror 2019. Bydd y gwerslyfr yn cael ei addasu yn y dyfodol agos i asdlewyrchu y newidiadau i drefn asesu Uned 1.



Pryd bydd digwyddiadau DPP yn cael eu cynnal i'n cefnogi?


Mae digwyddiadau DPP (ar gyfer canolfannau newydd a mwy profiadol) yn digwydd bob blwyddyn. Mae dyddiadau'r DPP i'w gweld ar wefannau CBAC ac Eduqas. Tanysgrifiwch am y newyddion diweddaraf am bynciau drwy dudalen gartref CBAC i sicrhau eich bod yn cael y wybodaeth ddiweddaraf.

Sut mae dod yn arholwr neu'n gymedrolwr ar gyfer Lefel 3 Troseddeg Gymhwysol?

Rydym ar hyn o bryd yn recriwtio arholwyr a chymedrolwyr newydd a byddai eich cais yn cael ei groesawu'n fawr. Gallwch gyflwyno eich manylion a chofrestru eich cais drwy'r system penodiadau ar [wefan CBAC](#).

LLYWIO DRWY WEFAN DDIOGEL CBAC

Ar ôl i chi fewngofnodi i Wefan Ddiogel CBAC byddwch yn gweld y sgrin ganlynol:



Symudwch eich llygodyn at y tab 'Adnoddau' a chliciwch ar '**Adnoddau Pwnc-Benodol + DPP ac Enghreifftiau**'. Os nad ydych yn gallu gweld yr un nodweddion ar sgrin gartref y wefan ddiogel ar ôl mewngofnodi, efallai fod hyn oherwydd nad yw eich Swyddog Arholiadau wedi rhoi mynediad llawn i chi i'r safle ddiogel. Gall eich Swyddog Arholiadau uwchraddio eich hawliau yn gyflym ac yn hawdd pan fydd yn mewngofnodi.

Gan ddefnyddio botymau'r gwympfen, defnyddiwch y chwiliad a welir isod i gael gafael ar yr holl ddeunyddiau Troseddeg. Mae'r deunyddiau i gyd ar gael drwy ddewis naill ai CBAC neu Eduqas a gallwch ffiltro'ch dewis ymhellach trwy ddefnyddio'r gwympfen 'Math o ddogfen'.

Canlyniadau'r Chwiliad

CHWILIAD NEWYDD

Dewisiadau

Pwnc:

Troseddeg

Lefel

Pob

Math o ddogfen

Pob

Blwyddyn

Pob

Iaith

Cymraeg

Chwilio am unrhyw destun

CHWILIO

Records found 20

Troseddeg - Gwaith Uned 3 wedi ei farcio

Enw'r Ffeil	Disgrifiad	Pwnc	Lefel	Atodiadau
 Uned 3 47 marc Gwaith.pdf		Troseddeg	Level 3	
 Uned 3 47 marc Taflen farciau.pdf		Troseddeg	Level 3	

Wrth sgrolio drwy'r dudalen hon byddwch yn gweld Cyn Bapurau a Chynlluniau Marcio o bob blwyddyn arholi yn ogystal â deunyddiau DPP. Mae dwy ffeil sip yn cynnwys pob briff aseiniad i ddysgwyr ar gael i'w defnyddio ar gyfer Unedau 1 a 3.

Bydd unrhyw waith enghreifftiol newydd i gefnogi canolfannau wrth iddyn nhw gyflwyno a marcio'r asesiadau dan reolaeth yn ymddangos yma.



[CARTREF](#)
[COFRESTRADAU](#)
[ASESIADAU MEWNOL](#)
[GOFYNION ARBENNIG](#)
[CANLYNIADAU](#)
[ADNODDAU](#)
[BAGLORIAETH CYMRU](#)
[PORTH GWEINYDDU CANOLFANNAU CGC](#)

Llofnodi mewn fel 68999
English
Gweinyddu'r Cyfrif
Telerau & Amodau
Logio Allan


[Lefel 3 Troseddeg Deunydd DPP Hydref 2017.zip](#)

Troseddeg
Level 3


[Lefel 3 Troseddeg Deunydd DPP Hydref 2019.zip](#)

Troseddeg
Level 3

Level 3 Criminology (New 2015)

	Enw'r Ffeil	Disgrifiad	Pwnc	Lefel	Atodiadau
	CWESTIYNAU CYFFREDIN 2019-20.pdf		Troseddeg	Level 3	
	Ffurflen Sicrhau Ansawdd.docx		Troseddeg	Level 3	
	Uned 1 MPA1.1 Llyfryn Addysgu Enghreifftiol addas i'r ADR.docx		Troseddeg	Level 3	
	NEWYDD! UNED 1 BRIFFIAU ASEINIAD Y DYSGWR.zip		Troseddeg	Level 3	
	NEWYDD! UNED 3 BRIFFIAU ASEINIAD Y DYSGWR.zip		Troseddeg	Level 3	

CHWILIAD NEWYDD

